

## VENDIM

Nr .161, date 18.3.2004

### **PER MENYREN E LLOGARITJES, TE CAKTIMIT DHE PAGESES SE PERFITIMEVE PER PUNONJESIT, QE KANE PUNUAR NE DISA NDERMARRJE TE INDUSTRISE USHTARAKE**

Ne mbështetje te nenit 100 te Kushtetutës, te neneve 5, 10 e 11 te ligjit nr. 9179, date 29.1.2004 "Për një trajtim te veçante te punonjësve, qe kane punuar ne disa ndërmarrje te industrisë ushtarake", te nenit 58 te ligjit nr.7703, date 11.5.1993 "Për sigurimet shoqërore ne Republikën e Shqipërisë", te ndryshuar, te neneve 21 e 27 te ligjit nr.8379, date 29.7.1998 "Për hartimin dhe zbatimin e Buxhetit te Shtetit te Republikës se Shqipërisë" dhe te nenit 7 te ligjit nr.9165, date 23.12.2003 "Për Buxhetin e Shtetit te vitit 2004", me propozimin e Ministrit te Mbrojtjes dhe te Ministrit te Punës dhe te Çështjeve Sociale, Këshilli i Ministrave

#### **VENDOSI:**

1. Punonjësit, qe kane punuar ne ndërmarrjet e industrisë ushtarake, qe përfitojnë trajtim te veçante, me poshtë do te quhen "personi i interesuar", te dorëzojnë pranë drejtorive rajonale te sigurimeve shoqërore, ne vendbanimin e tyre, këto dokumente:

- a) Kërkesën për përfitim (përfshirë dhe deklarimin nëse ushtron ose jo veprimtari ekonomike);
- b) Certifikatën e lindjes, me fotografi;
- c) Librezën e punës;
- ç) Vërtetimin nga organet e tatim-taksave, se nuk ushtron veprimtari ekonomike, si person fizik ose juridik.

Personi i interesuar paraqet një kopje te kërkesës për përfitim edhe ne administratën e ndërmarrjes ku ka qene vendi i fundit i punës se tij.

2. Administrata e ndërmarrjes se industrisë ushtarake, qe ka qene vendi i fundit i punës se te interesuarit, pasi shqyrton kërkesën, plotëson këto dokumente:

- a) Vërtetimin për vjetërsinë ne pune, ku përfshihen periudhat e sigurimit te punës ne ndërmarrjet e industrisë ushtarake dhe te gatishmërisë;

b) Vërtetimin e bazës se vlerësuar, për të cilën është derdhur kontributi i sigurimeve shoqërore, nga viti 1994 deri në çastin e ndërprerjes së marrëdhënieve të punës.

Këto dokumente i dërgohen Institutit të Sigurimeve Shoqërore.

3. Instituti i Sigurimeve Shoqërore bën regjistrimin e dokumentacionit të mësipërm dhe ua dërgon drejtorive rajonale të sigurimeve shoqërore, ku është paraqitur kërkesa e personit të interesuar për kryerjen e procedurave të përfitimit dhe të pagesës së tij.

4. Masa e përfitimit minimal, kur mungojnë dokumentet për llogaritjen e bazës së vlerësuar për përcaktimin e përfitimit, të jetë 6728 (gjashtëmijë e shtatëqind e njëzet e tete) leke.

5. Efektet financiare për këtë vit fillojnë nga data e hyrjes në fuqi të ligjit nr.9179, datë 29.1.2004 dhe arrijnë shumën 162000000 (njëqind e gjashtëdhjetë e dy milionë) leke, e cila ndahet në zërat, si më poshtë vijon:

a) "Paga" në shumën 108 000000 (njëqind e tete milionë) leke të përballohet nga buxheti i vitit 2004, zëri "Pagese papunësie", i miratuar për Ministrinë e Punës dhe të Çështjeve Sociale.

b) "Kontributet e sigurimeve shoqërore", në shumën 54000000 (pesëdhjetë e katër milionë) leke, të përballohen nga fondi rezerve i Këshillit të Ministrave.

6. Për periudhën 1 janar 2004 deri në çastin e hyrjes në fuqi të ligjit, personat e interesuar të trajtohen me pagese papunësie.

7. Punonjësit e tjerë, që nuk përfitojnë sipas ligjit nr.9179, datë 29.1.2004, të trajtohen me page për periudhën 1 janar 2004 deri më 31 dhjetor 2004, si më poshtë vijon:

a) Sipas vendimit nr.389, datë 8.8.2002 të Këshillit të Ministrave, gjithsej 10 punonjës të uzinës mekanike, Gramsh.

b) Sipas vendimit nr.766, datë 8.12.1998 të Këshillit të Ministrave "Për pagesën e punonjësve të disa linjave teknologjike, ushtarake, të rëndësisë së veçantë", të ndryshuar:

- 311 punonjës të kombinatit mekanik, Poliçan;

- 19 punonjës te uzinës mekanike, Gramsh;
- 20 punonjës te uzinës se lendeve plasëse, Elbasan;
- 5 punonjës te uzinës se riparimit te aviacionit, Kuçove;
- 20 punonjës te uzinës se pilave, Gramsh.

8. Efektet financiare, ne zbatim te pikës 7 ne shumën 60 000 000 (gjashtëdhjetë milionë) leke, te përballohen nga fondet buxhetore te vitit 2004, zëri "Pagese papunësie", miratuar për Ministrinë e Punës dhe te Çështjeve Sociale.

9. Dhënia e përfitimit te behet sipas udhëzimit te përbashkët te Ministrit te Mbrojtjes dhe te Ministrit te Punës dhe te Çështjeve Sociale.

10. Ngarkohen Ministri i Mbrojtjes, Ministri i Punës dhe i Çështjeve Sociale, Ministri i Financave dhe Drejtori i Institutit te Sigurimeve Shoqërore për zbatimin e këtij vendimi.

Ky vendim hyn ne fuqi menjëherë dhe botohet ne Fletoren Zyrtare.

**KRYEMINISTRI**

**Fatos Nano**